



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Contractus Census.

urn:nbn:de:hbz:466:1-40647

liberatis in gratiam quod damnum contingat sine culpa possidentis hic in foro externo ad nihil tenetur, sed in conscientia tenetur ad dimidium damni, quia, sicut uterque contrahens ex contractu commodum percipit, ita æquum est, quod uterque damnum participet. Et sic Valerius V. *Damnum, diff. 4.* obligavit in conscientia scholarem; apud quem mulus conductus sine eius culpa perierat, ad restituendum dimidium pretii *par. 3. tractat. 6 ref. 10.*

Contractus innominati actionem non pariunt per ius Civile secus per ius Naturale, & coram Deo, & in foro conscientie *par. 2. tract. 9. ref. 12.*

C O N T R A C T U S
Census.

Census natura. **C**ensus describi potest, ius exigendi pensionem de re utilitatis. Alius est resignativus, alius consignativus. Et hic vel est perpetuus, vel temporalis. Item perpetuus, vel est redimibilis, vel irredimibilis quamvis post Bullam Pii V. omnis sit redimibilis. Temporalis vero aut est ad tempus certum vel ad tempus incertum. Rursus omnis census, aut est fructuarius, aut pecuniarius, qui est magis in usu. Emptio, & venditio censuum cum debitis circumstantiis est licita. Circumstantiæ vero aliæ requiruntur de iure naturæ, aliæ ex Bullis Pontificiis.

Fidelitas, iustitiam pretii. **12** De iure naturæ in contractu censuali requiritur æqualitas inter census, & pretium. Et quod si aliqua gravamina hinc inde per pacta accessoria imponantur, ea prudentis arbitrio debite compensentur. Ita Lesius *libro. 2. cap. 22. dub. 12. num. 74. parte 1. tract. 8. ref. solut. 44. §. idem etiam. Versic. Quod* vero.

Et gravaminum compensatio. **13** Addunt Sotus, *de iustit. lib. 6. quest. 3. artic. 3.* & alii requiri in contractu census de iure naturæ, ut non apponatur pactum de redimendo in favo-

rem emptorist alioqui fore usurarium. Ubicumque enim datur pecunia cum pacto eam recipiendi, & aliquid ultra sortem, ibi adest usura. Sed, seclusa lege positiva, probabiliter existimo cum Valentia *tom. 4. disputat. 5. quest. 22. punct. 6.* talem circumstantiam non requiri, & pactum redimendi apponi posse, dummodo hoc gravamen debite ab emptore compensetur. Et ita, hanc sententiam Romæ a doctis vitis existimatam probabilem, testatur ipse Valentia, quamvis ob periculum usuræ talia pacta non sint suadenda, *par. 3. tractat. 5. fol. 77.*

14 Præter has condiciones aliæ exiguntur in extravagantibus Martini, Callisti, & tandem Pii V. Et quidem condiciones duorum priorum non videntur necessario requisitæ ad valorem contractus, & Pontificis approbasse contractus censuales cum talibus conditionibus, minime vero reprobasse eos, qui aliter fierent. Bullam vero Pii V. notat Lesius *lib. 2. cap. 22. dub. 13. num. 99.* non esse in Regno Siciliae usu receptam. Vnde illa non obstante, si venditor census non solvat fructus, potest est his antiquus census augeri, vel novus constitui. Ita Salas *de censib. dub. 8. num. 17.* Immo Sotus, *de iustit. lib. 6. quest. 5. art. 1.* probabiliter docet, census constitui posse ex pecunia credita, quamvis Faustus, *disput. 18. quest. 32. numero 3.* probabilioris putet contrariam opinionem Lopez. Probabiliter incunt non quam, ubi Bulla non est recepta, nam esse receptam.

Adde, quod, cum dicta Bulla multa requirat solum ad vitandas fraudes, quæ intrinsece possunt, contractus censuales absque talibus requisitis valent pro foro conscientie, etiam ubi Bulla recepta est, dummodo fraudes absint. Ita Megala, in *2. libro 2. capite 7. quest. 2. numero 55* & alii. Vnde, seclusis fraudibus, potest constitui census ex pecunia antea debita, vel mercibus assignatis in pretium, non obstante quod Bulla damnet census celebratos non numerata pecunia tempore celebrationis.

Vnde, ea non obstante, census non solutus adici potest sortis principalis.

Adde

Et in foro conscientia consisti potest ex mercibus, vel pecunia antea debita, etiam ubi Bulla recepta est.
 Adde, quod illud de mercibus non videtur contrarium Bullæ, quia venire possunt nomine pecunie: nam ex l. pecunia ff. de verbor. significat. pecunia nomine comprehenduntur æquivalentia Ita Malderus in 2. tractat. 5. cap. 5. dub. 6. & alij contra Filhucium, tomo 2. tractat. 35. parte 2. cap. 3. num. 306. part. 1. tractat. 8. resolutione 44. Et quamuis multi negent quod census constitui possit supra valorem fructuum rei, super quam imponitur, id tamen Sorus de iustis. libro 6. quæst. 5. articulo 1. concedit fieri posse. *Ibidem in fine.*

Et ex Soro, etiam si res minus reddat, quam sit census debitus.
 15 Quod attinet ad pretium census illud est iustum, quod vel taxa constituit, vel consuetudo præscripsit. Ceterum, si à venditore census ultro offeratur vendendus, vilescit, sicut dicunt DD. communiter de mercibus ultrooneis. Et quidem secundum aliquos vilescit pro tertia parte, secundum alios, pro dimidio. Itaque non damnarem eum, qui censum quinque vnciarum ultro oblatum emeret vnciis octoginta, stante taxa vel consuetudine quinque pro Centenario. Ita Cruz, par. 1. pr. 3. qu. 6. dub. 2. concl. 3. & alij, p. 1. r. 8. ref. 36.

Census vitalitius est esse ex Filhucio tom. 2. r. 37. c. 2. num. 34. licitus.
 16 Census vitalitius videtur licitus quia exitus vitæ est incertus, & æquum estimatur esse periculum amittendi, & spes lucrandi. par. 7. tract. 9. resolutione 70.

CONTUMELIA

Contumelia aequivalet
 2 **C**ontumelia propriè est inhonoratio alicuius per verba, aut signa denotantia malum culpæ, ut si cui dicatur, *fur, mendax, &c.* Latèr idem est, quod conuicium, & significat etiam obiectionem mali pænæ, ut cæcitatæ, stultitiæ, barbarum illegitimum, &c. Est peccatum ex suo genere mortale, si non excusatur indeliberatio, paruitas materiæ, aut modus obiciendi, ut per ludum, aut correctionem. Sunt autem omnes contumeliæ eiusdem speciei, & in Confessione non ne-

cessariò distinguendæ, ut dictum est V. Circumstantia numero 32.

2 Contumeliosum non licet occidere. Vide V. Occidere, numero 26. quamuis falsum, vel occultum crimen obicitenti, liceat respondere, Mentiris, ut dictum est, V. Compensare, numero 4. *Et an iustificet homicidium*

COPULA Coniugalis.

Copula coniugalis fieri debet in vase naturali; nam in præpostero etiam incipere, peccatum est. Ita Bonacina de matrim. quæstion. 4. punct. 11. in vase naturali. numero 12. contra Nauarrum, de pœnitentiæ concl. 7. part. 2. tractat. 17. resolutione 37. §. Ad secundum. Immo nec licitum est perficere verenda in vase prohibito. Pontius lib. 10. cap. 11. numer. 5. contra Sanchez, tom. 3. lib. 9. de matrim. disput. 17. r. 5. par. 3. tract. 4. resol. 104.

2 Sed variare situm in copula, ex suo genere est solum veniale, etiam si propterea aliqua feminis pars elabatur, quia medici docent, non totum semen conservari à matrice. Immo etiam si eo concumbendi modo non ita certa speretur generatio, quia coniuges non tenentur ad generationem certiorè, sed solum convenientem modum adhibere. Ita Pontius, *ubi supra* num. 3. par. 2. tract. 15. resol. 64. §. & recitantur in par. 3. tract. 4. resol. 204. §. Notandum, & quoad primum etiam, in par. 1. tract. 7. resolutione 39. Si autem coniuges voluntariè foras semen emittant, peccant mortaliter. Dixi, voluntariè, nam non notat Pontius *ubi supra* id aliquando contingere posse absque culpa, ut si vir calidus, dum congregi conatur, semen extrà emittit, illa enim festinatio naturæ est, non voluntatis p. 3. cit. §. Addit.

3 Cæterum probabile est, coniugem non teneri expectare seminationem alterius, etiam si possit, nam aliqui docent, semen mulieris nec actiue, nec necessarid ad generationem concurrere. Ita Sanchez *ubi supra* numero 9. (Ex quo *Et aliqui etiam*

Copula cõplenda, & imitanda in vase naturali.
Sed parum curandum de situ.
Quamuis non totum semen retineatur.
Sed si foras illud voluntariè emittant, mortale est.

At coniux nõ tenetur expectare seminationem alterius.

Hh 3 *etiam*

